

F 133
1937



საქართველოს
საბჭოთავო
საპარლამენტო
სისტემა

საქართველოს საბჭოთა სოციალისტური რესპუბლიკის
მუშათა და გლეხთა მთავრობის

კანონთა და განკარგულებათა კრებული

2050

საქართველოს სსრ სახალხო კომისართა საბჭოს
საქმეთა მმართველობის განოცემა

1937 წ. დეკემბრის 5.

№ 19

თბილისი.

შ ი ნ ა ა რ ს ი

ფ ი ნ ა ნ ს ე ბ ა

- 139. სამეურნეო ორგანოების გადასახდელთა გადახდის ვადის გადაცილებისათვის საურავის რაოდენობის შესახებ.
- 140. სასოფლო საბჭოების საბიუჯეტო უფლებათა დებულების მე-ნ მუხლის „კ“ პუნქტის შეცვლის შესახებ.

კ რ ე დ ი ტ ა

- 141. სრულიად საქართველოს ცენტრალურ აღმასრულებელ კომიტეტის პრეზიდიუმთან, ავტონომიური რესპუბლიკებისა და ავტონომიური ოლქის პრეზიდიუმებთან და თბილისის საქალაქო საბჭოს პრეზიდიუმთან არსებული


სახელმწიფო კრედიტისა და დაზოგვის საქმისათვის ხელისშემწყობი კომისიების ლიკვიდაციის შესახებ.

სახამართლო წყობილება და ხამართლის წარმოება.

- 142. სანოტარო ორგანოების რეორგანიზაციის შესახებ.

143. ისეთი სახის ქონების შესახებ, რომელზედაც არ შეიძლება მიქცეულ იქნას გადახდევინება სასამართლო ორგანოების სააღსრულებო ფურცლით და მისი თანაბარი დოკუმენტი.

- 144. საქართველოს სსრ სისხლის სამართლის საპროცესო კოდექსში ცვლილებათა შეტანის შესახებ.



F 133



შ ი ნ ა ნ ს ე ბ ი

139. დადგენილება ს. კ. ს.

სამეურნეო ორგანოების გადასახდელთა გადახდის ვადის გადაცილებისათვის საურავის რაოდენობის შესახებ.

სსრ კავშირის სახალხო კომისართა საბჭოს 1937 წლის 14 სექტემბრის დადგენილების შესაბამისად „სამეურნეო ორგანოების გადასახდელთა გადახდის ვადის გადაცილებისათვის საურავის რაოდენობის შესახებ“ (სსრკ კან. კრ. 1937 წ. № 60, მუხ. 260), საქართველოს სსრ სახალხო კომისართა საბჭო აღგენს:

1. „კომუნალური მომსახურების ანგარიშების განაღდებას წესისა და ვადის შესახებ“ (საქ. სსრ კან. კრ. 1932 წ. № 11 მუხ. 77) საქართველოს სსრ სახკომსაბჭოს 1932 წლის 4 აპრილს გამოცემულ დადგენილების მე-5 მუხლი მიღებულ იქნას შემდეგი რედაქციით:

„5 საზოგადოებრივი სარგებლობის კომუნალური მეურნეობათა ანგარიშების განაღდებას ვადის გადაცილებისათვის დაწესდეს საურავი, რომელიც უნდა დაერიცხოს ამ დადგენილების მე-2 მუხლში აღნიშნული ვადის გასვლის შემდეგ სამეურნეო ორგანოებს ვადაგადაცილებული თანხის—0,05% რაოდენობით და ინდივიდუალურ მომხმარებლებს—0,25% რაოდენობით დღეში“.

2. გაუქმდეს საქართველოს სსრ ტერიტორიაზე მოქმედება ა/კსფსრ სახალხო კომისართა საბჭოს 1931 წლის 7 ოქტომბრის დადგენილებისა „ელექტრო და თბომომარაგების საწარმოთა ანგარიშების გასწორების ვადის გადაცილებისათვის არსებული საურავის რაოდენობის შესახებ“ (ა/კსფსრ კან. კრ. 1931 წ. № 19, მუხ. 220) იმ ნაწილში, რომელიც შეეხება სამეურნეო ორგანოების მიერ ელექტრო და თბომომარაგების საწარმოთა ანგარიშების გასწორების ვადის გადაცილებისათვის საურავის რაოდენობას.

3. გაუქმდეს ყველა უწყებრივი ბრძანებანი და ინსტრუქციები, რომლებიც სამეურნეო ორგანოებისათვის აწესებენ საურავს გადასახდელთა გადახდის ვადის გადაცილებისათვის სხვა რაოდენობით, ვიდრე ეს ნაჩვენებია სსრ კავშირის სახკომსაბჭოს 1937 წლის 14 სექტემბრის დადგენილებაში „სამეურნეო ორგანოთა გადასახდელთა გადახდის ვადის გადაცილებისათვის საურავის რაოდენობის შესახებ“ (სსრკ კან. კრ. 1937 წ. № 60, მუხ. 60). დაევალოს საქართველოს სსრ სახალხო კომისარიატებს და ცენტრალურ დაწესებულებებს ერთი დეკადის ვადაში გამოსცენ გაუქმებული ბრძანებებისა და ინსტრუქციების ნუსხები.

4. ეს დადგენილება ძალაში შედის 1937 წლის 15 სექტემბრიდან.

საქ. სსრ ს.კ.ს-ის თავმჯდომარე ვ. ბაქრაძე.

საქ. სსრ ს.კ.ს-ის საქმეთა მმართველის მ. დ. ა. რ. ჰელიძე.

1937 წ. ნოემბრის 22. № 1301.

თბილისი.

140. დადგენილება ც.ა.კ. და ს.კ.ს.

სასოფლო საბჭოების საბიუჯეტო უფლებათა დებულების მე-5 მუხლის „კ“ პუნქტის შეცვლის შესახებ.

სსრ კავშირის სახალხო კომისართა საბჭოს 1936 წლის 10 აპრილის დადგენილების მე-2 მუხლის მე-2 ნაწილის შესაბამისად „მასწავლებელთათვის ხელფასის მიცემის წესის შესახებ“ (სსრკ კან. კრ. 1936 წ. № 19, მუხ. 168) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

სასოფლო საბჭოების საბიუჯეტო უფლებათა დებულების მე-5 მუხლის „კ“ პუნქტი (საქ. სსრ კან. კრ. 1934 წ. № 3, მუხ. 49) მიღებულ იქნას შემდეგი რედაქციით:

„კ სახალხო განათლების დაწესებულებათა: სკოლების, ბიბლიოთეკების, ჭობ-სამკითხველოების, კლუბების, წერა-კითხვის უცოდინარობის სალიკვიდაციო პუნქტების, სკოლამდელი და სკოლის გარეშე დაწესებულებების მოწყობა, გაწყობა და შენახვა, გარდა დაწყებითი სკოლების მასწავლებელთა და გამგეთა, არასრული საშუალო და საშუალო სკოლების მასწავლებელთა, კლასების ხელმძღვანელთა, სასწავლო ნაწილის გამგეთა და დირექტორთა ხელფასის ხარჯებისა“.

სრ. საქ. ც.ა.კ.-ის თავმჯდომარე ფ. მახარაძე.

საქ. სსრ ს.კ.ს.-ის თავმჯდომარე გ. ბაქრაძე.

სრ. საქ. ც.ა.კ.-ის მდივნის მ. ა. გ. ბუჯიაშვილი.

1937 წ. თებერვლის 26. № 223/1384.

თბილისი.

კ რ ე დ ი ტ ი

141. დადგენილება ც.ა.კ. და ს.კ.ს.

სრულიად საქართველოს ცენტრალურ აღმასრულებელ კომიტეტის პრეზიდიუმთან, ავტონომიური რესპუბლიკებისა და ავტონომიური ოლქის პრეზიდიუმებთან და თბილისის საქალაქო საბჭოს პრეზიდიუმთან არსებული სახელმწიფო კრედიტისა და დაზოგვის საქმის ხელისშემწყობი კომისიების ლიკვიდაციის შესახებ.

სსრ კავშირის ცენტრალური აღმასრულებელი კომიტეტისა და სახალხო კომისართა საბჭოს 1937 წლის 4 ნოემბრის დადგენილების შესაბამისად „საწარმოებსა, დაწესებულებებსა და კოლმეურნეობებში სახელმწიფო კრედიტისა

და დაზოგვის საქმის ხელშემწყობ კომისიათა ხელმძღვანელობის შესახებ“, (სსრკ კან. კრ. № 71, მუხ. 336) სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. ლიკვიდირებულ იქნას 1937 წლის 15 ნოემბრიდან სრულიად საქართველოს ცენტრალური აღმასრულებელი კომიტეტის პრეზიდიუმთან არსებული სახელმწიფო კრედიტისა და დაზოგვის საქმის ხელშემწყობი ცენტრალური კომისია და წინადადება მიეცეს აფხაზეთის და აჭარის ასსრ და სამხრეთ-ოსეთის ავტონომიური ოლქის ცენტრალურ აღმასრულებელ კომიტეტებს 1937 წლის 15 ნოემბრიდან მოახდინონ მათთან არსებული სახელმწიფო კრედიტისა და დაზოგვის საქმის ხელშემწყობი კომისიების ლიკვიდაცია.

2. ლიკვიდირებულ იქნას 1937 წლის 15 ნოემბრიდან თბილისის საქალაქო საბჭოს პრეზიდიუმთან არსებული სახელმწიფო კრედიტისა და დაზოგვის საქმის ხელშემწყობი კომისია.

3. საწარმოებსა, დაწესებულებებსა და კოლმეურნეობებში სახელმწიფო კრედიტისა და დაზოგვის საქმის ხელშემწყობი კომისიების საქმიანობის გაერთიანება და ხელშემწყობი კომისიებისათვის ხელმძღვანელობის გაწვევა დაეკისროს საქართველოს სსრ რაიონულ აღმასრულებელ კომიტეტებთან, ქალაქ თბილისის რაიონულ საბჭოებთან, საქართველოს დანარჩენი ქალაქების საქალაქო საბჭოებთან და სასოფლო საბჭოებთან არსებულ ხელშემწყობ კომისიებს.

4. დავალოს საქართველოს სსრ ფინანსთა სახალხო კომისარიატს სრულიად საქართველოს ცენტრალური აღმასრულებელი კომიტეტის პრეზიდიუმთან არსებულ სახელმწიფო კრედიტისა და დაზოგვის საქმის ცენტრალურ ხელშემწყობ კომისიასთან ერთად ერთი თვის ვადაში მოახდინოს ამ დადგენილების 1 და მე-2 მუხ. აღნიშნული კომისიების ლიკვიდაცია.

5. გაუქმდეს მე-8 მუხლი სრულიად საქართველოს ცენტრალური აღმასრულებელი კომიტეტის 1929 წლის 30 ივლისის დადგენილებისა „სახელმწიფო კრედიტისა და დაზოგვის საქმისათვის ხელშემწყობი კომისიების მოწყობის შესახებ საქალაქო და სათემო საბჭოებთან და სამაზრო აღმასრულებელ კომიტეტებთან“ (საქ. სსრ კან. კრ. 1929 წ. № 17, მუხ. 192) იმ ნაწილში, რომელიც შეეხება სახელმწიფო კრედიტისა და დაზოგვის საქმის ხელშემწყობი კომისიების მოწყობას აფხაზეთის და აჭარის ასსრ და სამხრეთ-ოსეთის ავტონომიური ოლქის ცენტრალური აღმასრულებელი კომიტეტების პრეზიდიუმებთან.

სრ. საქ. ც.ა.კ.-ის თავმჯდომარე ფ. შახარაძე.

საქ. სსრ ს.კ.ს.-ის თავმჯდომარე გ. ბაქრაძე.

სრ. საქ. ც.ა.კ.-ის მდიენის მ. ა. ვ. ბუჯიაშვილი.

სასამართლო წყობილება და სამართლის წარმოება

142. დადგენილება ც.ა.კ. და ს.კ.ს.

სანოტარო ორგანოების რეორგანიზაციის შესახებ.

სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. სანოტარო მოქმედებათა შესრულება სწარმოებდეს სანოტარო კონტორებში და სახალხო სასამართლოები განთავისუფლებულ იქნან ამ საქმისაგან; იმ ადგილებში, სადაც მუშაობის მოცულობის მიხედვით სანოტარო კონტორების მოწყობა მიზანშეწონილი არ არის, სანოტარო მოქმედებათა შესასრულებლად გაიხსნას სახალხო სასამართლოებთან სანოტარო მაგიდები.

2. განთავისუფლებულ იქნან ქ. თბილისის და ქუთაისის სახელმწიფო-ანოტარო კონტორები აღმოსავლეთ და დასავლეთ საქართველოს სანოტარო არქივების შენახვისა და გამგებლობისაგან იმ გარიგებათა გამო, რომლებიც შესრულებულია 1921 წლის 25 თებერვლამდე და ამ არქივების მთელი მასალა რომელიც ეხება აღნიშნულ პერიოდს, გადაეცეს საქართველოს სსრ ცენტრალურ არქივს.

3. ნაგებობათა და აღნაგობის უფლების გასხვისების და დაგირავების შესახებ სანოტარო წესით დამოწმებულ გარიგებათა რეგისტრაცია, აგრეთვე ნაგებობებსა და აღნაგობის უფლებაზე დადებული ყადაღის რეგისტრაცია დაეკისროს საქალაქო საბჭოების კომუნალურ განყოფილებებს და რაიონული აღმასრულებელი კომიტეტების სათანადო განყოფილებებს.

4. დაევალოს საქართველოს სსრ იუსტიციის სახალხო კომისარიატს სანოტარო ორგანოების ქსელის გაფართოება მიმდინარე წელს ჩაატაროს 1937 წლისათვის ნოტარიატისათვის გაღებული სახსრების ფარგლებში იმ ანგარიშით, რომ 1938 წელს მათი რიცხვი საქართველოს სსრ-ში, აკარისა და აფხაზეთის ასსრ-ის და სამხრეთ-ოსეთის ავტონომიური ოლქის ჩათვლით, გადიდებულ იქნას 1937 წელს არსებულ სანოტარო ორგანოებთან ერთად, 16 სანოტარო კონტორამდე და სახალხო სასამართლოებთან 31 სანოტარო მაგიდამდე.

5. სასოფლო საბჭოებისათვის ინსტრუქტაჟის გაწევა მათ მიერ სანოტარო მოქმედების შესრულების საქმეში (საქ. სსრ კან. კრ. 1930 წ., № 7, მუხ. 64) დაეკისროს სანოტარო კონტორების ნოტარიუსებს, ხოლო იმ ადგილებში, სადაც სანოტარო კონტორები არ არის, — სანოტარო მაგიდების ნოტარიუსებს, რესპუბლიკური და საოლქო სანოტარო კონტორების უფროს ნოტარიუსთა საერთო ხელშეწყობით.

6. დაევალოს საქართველოს სსრ იუსტიციის სახალხო კომისარიატს განსაზღვროს ამ დადგენილების ცხოვრებაში გატარების წესი და ვადები, ამასთან

უზრუნველჰყოს სანოტარო მოქმედებათა შესრულების ფუნქციების გადამტანა სახალხო მოსამართლეებისაგან სანოტარო კონტორებისა და სანოტარო მაგიდეებისათვის ამ უკანასკნელთა მოწყობის შესაბამისად.

II

საქართველოს სსრ ცაკისა და სახკომსაბჭოს 1928 წლის 19 ნოემბრის დადგენილებით დამტკიცებულ დებულებაში საქართველოს სსრ სახელმწიფო ნოტარიატის შესახებ (საქ. სსრ კან. კრ. 1928 წ. № 16, მუხ. 157), შეტანილ იქნას შემდეგი ცვლილებანი:

1. მუხლი პირველი მიღებულ იქნას შემდეგი რედაქციით:

„1. ამ დებულებით გათვალისწინებულ სანოტარო მოქმედებათა შესასრულებლად საქართველოს სსრ ქალაქებსა და სხვა დასახლებულ ადგილებში არსდება სახელმწიფო სანოტარო კონტორები, ხოლო იმ ადგილებში, სადაც მუშაობის მოკულობის მიხედვით სანოტარო კონტორების მოწყობა მიზანშეწონილი არ არის, სანოტარო მოქმედებათა შესასრულებლად გაიხსნება სახალხო სასამართლოებთან სანოტარო მაგიდები; სანოტარო კონტორების და სანოტარო მაგიდების ორგანიზაცია ეკისრება საქართველოს სსრ იუსტიციის სახალხო კომისარიატს და სწარმოებს სათანადო რაიონულ აღმასრულებელ კომიტეტთან და საქალაქო საბჭოებთან შეთანხმებით“.

2. გაუქმდეს პირველი მუხლის შენიშვნა.

3. მე-10 მუხლის მე-2 ნაწილი მიღებულ იქნას შემდეგი რედაქციით:

„აღნიშნული ფუნქციების გარდა, ქალაქ თბილისისა და ქუთაისის სანოტარო კონტორებს, რომლებიც ამასთან ერთად განაგებენ სანოტარო არქივებს — პირველი აღმოსავლეთ საქართველოში, ხოლო მეორე — დასავლეთ საქართველოში, ეკისრებათ: ა) ყადაღის დადება ნაგებობებსა და აღნაგობის უფლებაზე, აგრეთვე ამ ყადაღის შეცვლა და მოხსნა; ბ) გირავნობის მოწმობების, ყოველგვარი საარქივო ნარკვევებისა, ამონაწერების და მოწმობების გაცემა და გ) სანოტარო არქივების მასალების შენახვა“.

4. მე-10 მუხლს დაემატოს შენიშვნა შემდეგი შინაარსისა:

„შენიშვნა: სანოტარო არქივების მასალების შენახვა, აგრეთვე ამ მასალების გამო მოწმობების, ყოველგვარი ცნობებისა და ამონაწერების გაცემა ხდება იმ გარეგებათა მიხედვით, რომლებიც შესრულებულია 1921 წლის 25 თებერვლის შემდეგ“.

სრ. საქ. ც.ა.კ-ის თავმჯდომარე ფ. მახარაძე.

საქ. სსრ ს.კ.ს-ის თავმჯდომარე ვ. ბაქრაძე.

სრ. საქ. ც.ა.კ-ის მდივნის მ. ა. ვ. ბუჯიაშვილი.

143. დ ა დ ზ ე ნ ი ლ ე ბ ა ს. კ. ს.

„იხეთი სახის ქონების შესახებ, რომელზედაც არ შეიძლება მიქცეულ იქნას გადახდევინება სასამართლო ორგანოების სააღსრულებო ფურცლით და მისი თანაბარი დოკუმენტით“.

„იმ ნუსხის მე-II კარის შეცვლის შესახებ, რომელშიაც ჩამოთვლილია სხვადასხვა სახის ქონება, რაზედაც გადასახადებისა და არავადსახადო თანხების ნარჩენის გადახდევინების მიქცევა არ შეიძლება“ (საქ. სსრ კან. კრ. 1936 წ. № 10, მუხ. 63) გაუქმების გამო (საქ. სსრ კან. კრ. 1937 წ. № 14, მუხ. 102). „სახელმწიფო და ადგილობრივი გადასახადთა სავალდებულო სავანაკვეთო დახდევების, სავალდებულო ნატურალურ ჩაბარებათა და კოლმეურნეობებსა, სარეწაო არტელებსა და ცალკეული მოქალაქეებზე დადებულ ჯარიმათა გამო ნარჩენების დასაფარავად ქონების ადმინისტრაციული წესით ჩამორთმევის გაუქმების და სასამართლოს წესის დადგენის შესახებ“ სსრ კავშირის ცაკისა და სახკომსაბჭოს 1937 წლის 11 აპრილის დადგენილების შესაბამისად“ (სსრკ კან. კრ. 1937 წ. № 30, მუხ. 120) და საქართველოს სსრ სამოქალაქო სამართლის საპროცესო კოდექსის 318 მუხლის საფუძველზე (საქ. სსრ კან. კრ. 1934 წ. № 19, მუხ. 173) საქართველოს სსრ სახალხო კომისართა საბჭო ადგენს:

1. სასამართლო ორგანოების სააღსრულებო ფურცლით და მასთან ვათანაბრებული დოკუმენტით გადახდევინების მიქცევის დროს არ შეიძლება ჩამორთმეულ იქნას შემდეგი ქონება:

ა) საცხოვრებელი სახლი სამეურნეო ნაგებობებით ან მისი ნაწილები;

ბ) ერთი ძროხა და თუ ასეთი არ არის ერთი ხბო, ხოლო კოლმეურნეობისაგან აგრეთვე შინაური ფრინველი, ცხვარი, თხა და ლორი, სასოფლო-სამეურნეო არტელის წესდებით დაწესებული ნორმის ნახევრის ფარგლებში, მათთვის საჭირო საკვებით;

გ) სასოფლო-სამეურნეო ინვენტარი და მუშა საქონელი (თვითმუშა გლეხურ მეურნეობაზე): ერთი გუთანა, ერთი სახნისი, ერთი ფარცხი, ერთი ფორანი ან ურემი, ერთი მარხილი, ცელი, ნამგალი, ფოცხი, ორთითი, ნიჩაბი, ცული, ერთი აკაზმულობა, ერთი ცხენი ან ერთი ჯორი ან და უღელი ხარი ან უღელი კამეჩი ან სხვა სახის მუშა საქონლის სათანადო რაოდენობა და მოზარდი მუშა საქონლის ერთი სული 3 წლის ასაკამდე;

დ) ტანისამოსი, ფეხსაცმელი, თეთრეული, ლოგინი, სამზარეულოს ხელსაწყო, საწოლები, მაგიდები, სკამები, სკივრები, ლამპები, რომლებიც წარმოადგენენ მოვალის ან მისი ოჯახის წევრთა პირადი სარგებლობის საგნებს, მთელი საბავშვო ნივთები;

ე) სათბობი შირაგი, რაც საჭიროა მოვალისა და მის რჩენაზე მყოფი საჭიროების მოსამზადებლად და საცხოვრებელი სადგომის გასათბობად სამი თვის განმავლობაში.

3) სასურსათო პროდუქტები ისეთი რაოდენობით, რაც საჭიროა მოვალისა და მის რჩენაზე მყოფთათვის ახალ მოსავლამდე, შემდეგი ანგარიშით თვითულ სულზე თვეში: 15 კგ. ფქვილი ან 17 კგ. მარცვალი (სიმინდისა და ქერის ფქვილისა და მარცვლისათვის ნორმა დიდდება 25%), 15 კგ. კარტოფილი, 2 კგ. ბურღული (ან 3 კგ. ლობიო), 4 კგ. ყველა სახის ბოსტნეული (ანუ 4 კგ. თევზი), 500 გრ. ცხიმი (ან 2 კგ. ნიგოზი) და 1,5 კგ. მარილი;

ზ) თესლი მომავალი თესვისათვის ისეთი რაოდენობით, რაც საჭიროა შრომითი მეურნეობის გასაძლვლად შემდეგი ანგარიშით ფაქტიურად დასათეს 1 ჰექტარ ფართობზე: საგანაფხულო და საშემოდგომო ხორბალი, შერია და ქერი—180 კგ., ქვავი—130 კგ., სიმინდი—35 კგ., კარტოფილი—1500 კგ., ცერცივი, ლობიო, მუხუდო და ოსპი—120 კგ., გრეჩიზა—120 კგ., სოია—60 კგ., მზესუმზირას თესლი—22 კგ., აბუსალათინის თესლი 45 კგ., ფეტვი—30 კგ., კანაფის თესლი—120 კგ., სელის თესლი—90 კგ., ბამბის თესლი—60 კგ., კენაფის თესლი—30 კგ., იონჯისა და სამყურის თესლი—20 კგ., ესპარცეტის თესლი—100 კგ. და თამბაქოს თესლი—500 გრამი;

თ) სოციალური უზრუნველყოფის ხაზით მიღებული სახსრები და დახმარება მრავალშვილიანობის გამო;

ი) იარაღები, რაც საჭიროა მოვალის შინამრეწველობისათვის, აგრეთვე წარმოების მოწყობილობა იმ პირთათვის რომელთა ხელობაც გათანაბრებულია შინამრეწველობასთან;

კ) კოოპერატიულ ორგანიზაციათა წევრების საპაიო შენატანი.

2. ამ დადგენილების პირველი მუხლის გამონაკლისად, სახელმწიფო დაწესებულებებისა და საწარმოების, კოლმეურნეობების, კოოპერატიული, პროფესიული და საზოგადოებრივი ორგანიზაციების ქონების მტაცებლობის, გაფლანგვის და მითვისების გამო მიყენებული ზარალის ანაზღაურებლად თანხების გადახდევენების დროს არ შეიძლება ჩამორთმეულ იქნას ქონება, რომელაც მოხსენებულია სსრ კავშირის ცაკისა და სახკომსაბჭოს 1927 წლის 10 აგვისტოს დადგენილებაში „სახელმწიფო დაწესებულებებისა და საწარმოების, კოოპერატიულ, პროფესიული და საზოგადოებრივი ორგანიზაციების ქონების გაფლანგვის მითვისების და მტაცებლობის გამო მიყენებული ზარალის ანაზღაურების წესის შესახებ“ (სსრკ კან. კრ. 1927 წ. № 51, მუხ. 507), სახელდობრ:

ა) მსჯავრდადებულისა და მის რჩენაზე მყოფ პირთათვის აუცილებლად საჭირო ტანისამოსი, თეთრეული, ფეხსაცმელი და საოჯახო საჭიროების საგნები;

1) სახმარებელი საზამთრო და საზაფხულო ტანისამოსი: სულზე — ერთი საზაფხულო ან საშემოდგომო პალტო ან ნაბადი, ერთი საზამთრო პალტო ან ქურქი (ტყაპუქი); ერთი ხელი საზამთრო კოსტუმი (ქალისათვის ორი სა-

ზამთრო კაბა); ერთი საგაზაფხულო კოსტუმი (ქალისათვის ორი საზაფხულო კაბა); ერთი ყაბალახი, ერთი ფურაჯკა (შლაპა) და ერთი ქუდი, ხოლო ქალისათვის, ამის გარდა ორი საზაფხულო და ერთი თბილი მოსახვევი (ან შალი);

2) თეთრეული—სამი ხელი ერთ სულზე;

3) ერთი წყვილი ტყავისა და ერთი წყვილი ნაბდის ფეხსაცმელი ერთ სულზე;

4) ოჯახში სახმარებელი საგნები: ა) სულზე—ერთი სასადილო-ხელსაწყო (თევში, ჩანგალი, დანა და კოვზი) და ერთი საჩაიო ხელსაწყო (ტიქა ან ფინჯანი და ლამბაქი), ერთი სკამი (ტაბურეტი), ერთი ხელი ლოგინი (ლეიბი; ბალიში, ორი ზეწარი, ორი ბალიშის პირი, საბანი), ერთი საწოლი, ორი პირსახოცი; ბ) თვითეულ ოჯახზე--სამოვარი (ჩაიდან ან თუჯის რამ ჭურჭელი წყლის ასადღებლად), პრიმუსი ან ნავთქურა, ლამპა, სასადილო მაგიდა, ორი სუფრა, ორი ჩაის ტილო, ორი ჭურჭლის ტილო, ორი ვედრო ან ორი კოკა, ერთი სკივრი ან მისი მაგიერი სხვა რამ სათავისი ტანისამოსის შესანახად და სამზარეულო-სათვის აუცილებლად საჭირო საციქველი (ქვაბები, თუჯია, ქვაბსაქერი, ჩეკი, ტაფა და სხვა მისთ.);

ბ) ერთი საცხოვრებელი სახლი, უმარტივესი სასოფლო სამეურნეო იარაღი, როგორცაა: ერთი გუთანნი, ერთი სახნისი, ერთი ფარცხი, ერთი ფორანი ან ჟრემი, ერთი მარხილი, ცელი, ნამგალი, ფოცხი, ორთითი, ნიჩაბი, ცული და ნაგებობანი რაც აუცილებელია შრომითი გლეხური მეურნეობის გასაძლიერად;

გ) თესლი მომავალი თესვისათვის ისეთი რაოდენობით რაც საჭიროა შრომითი მეურნეობის გასაძლიერად შემდეგი ანგარიშით ფაქტიურად დასათეს ერთ ჰექტარ ფართობზე: საგაზაფხულო და საშემოდგომო ხორბალი, შვრია და ქერი—180 კგ., ქვაფი—130 კგ., სიმინდი—35 კგ., კარტოფილი—1500 კგ., ცერცვი, ლობიო, მუხულო და ოსპი—120 კგ., გრეჩხა—120 კგ., სოია—60 კგ., მზესუმზირის თესლი—22 კგ., აბუსალათინის თესლი—45 კგ., ფეტვი—30 კგ., კანაფის თესლი 120 კგ., სელის თესლი 90 კგ., ბამბის თესლი—60 კგ., კენაფის თესლი—30 კგ., იონჯისა და სამყურის თესლი—20 კგ., ესპარტის თესლი—100 კგ. და თამბაქოს თესლი 500 გრამი;

დ) მსჯავრდადებულის პირადი შრომის უმარტივესი იარაღი, თუ მას სასამართლოს მიერ არა აქვს ჩამორთმეული თავისი პროფესიის ნიხედვით მუშეობის უფლება;

ე) კოოპერაციულ ორგანიზაციებში საპაიო შენატანები;

ვ) ხელფასი იმ ოდენობით რასაც სასამართლო განსაზღვრავს, მაგრამ არა უმცირეს მოცემული ადგილისათვის დაწესებული ხელფასის სახელმწიფო მინიმუმისა, აგრეთვე პენსიები და დახმარებანი და ისეთი დახმარებანი, რომლებსაც დამზღვევი სალაროები იძლევიან ბავშვის დაბადების გამო (მოსავლელად და საკვებად) და ოჯახის წევრის გარდაცვალების გამო (დასამარხად),

8. მე-2 მუხ. აღნიშნულ შემთხვევებში გადახდევინება შეიძლება მიქცეულ იქნას მთელ ქონებაზედაც რომელსაც მსჯავრდადებული (მოპასუხე) ფლობს სხვა პირებთან ერთად, მათ შორის საკოლმეურნეო კომლის საერთო ქონებაზედაც, რომლის შემადგენლობასაც ეკუთვნის მსჯავრდადებული (მოპასუხე), აგრეთვე ცოლ-ქმრის საერთო ქონებაზედაც თუ სასამართლო გამოარკვევს რომ საერთო ქონება გადიდდა ბოროტმოქმედების შეხებით.

საერთო ქონებაზე გადახდევინების მიქცევა შეიძლება მხოლოდ იმ შემთხვევაში თუ ეს აღნიშნული იქნება სასამართლოს განაჩენში ან გადაწყვეტილებაში.

შენიშვნა. მუხლის მოკმედემა ვრცელდება მხოლოდ იმ შემთხვევებზე, როდესაც ვაფლანგვის მითვისების ან მტაცებლობის მომენტსა და სისხლის სამართლის დევნის აღძვრის მომენტს შორის განვლო დრომ არაუმეტეს 2 წლისა.

4. გაუქმდეს საქართველოს სსრ სახკომსაბჭოს 1936 წლის 4 იანვრის დადგენილება „ისეთი სახის ქონების შესახებ რაზედაც სასამართლო ორგანოების სააღსრულებო ფურცლით ან მისი თანაბარი დოკუმენტებით გადახდევინების მიქცევა არ შეიძლება“ (საქ. სსრ კან. კრ. 1936 წ. № 10, მუხ. 64).

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. დ. ა. რ. ჰელიძე.

1937 წ. ნოემბრის 22. № 1299.
თბილისი.

144. დადგენილება ც. ა. კ. და ს. კ. ს.

საქართველოს სსრ სისხლის სამართლის საპროცესო კოდექსში ცვლილებათა შეტანის შესახებ.

სსრ კავშირის ცენტრალური აღმასრულებელი კომიტეტის 1934 წლის დეკემბრის 1-ის დადგენილების შესაბამისად „მოკავშირე რესპუბლიკების მომქმედ სისხლის სამართლის საპროცესო კოდექსებში ცვლილებათა შეტანის შესახებ“ (სსრკ კან. კრ. 1934 წ. № 64, მუხ. 459), სრულიად საქართველოს ცენტრალური აღმასრულებელი კომიტეტი და საქართველოს სსრ სახალხო კომისართა საბჭო ადგენენ:

1. დაემატოს საქართველოს სსრ სისხლის სამართლის-საპროცესო კოდექსს მეშვიდე კარი, რომელშიაც შეტანილ იქნას XXXIII-ე თავი „ტერორისტული ორგანიზაციების და საბჭოთა ხელისუფლების მუშაკთა წინააღმდეგ მიმართული ტერორისტული აქტების საქმეთა გამოძიებისა და განხილვის შესახებ“ შემდეგი მუხლებით:



„462. გამოძიება ტერორისტული ორგანიზაციებისა და საბჭოთა ხელისუფლების მუშაკთა წინააღმდეგ მიმართული ტერორისტული აქტების საქმეთა შესახებ (სისხლის სამართლის კოდექსის მუხ. 58⁶ და 58¹¹) უნდა დამთავრდეს არაუგვიანეს ათი დღის ვადისა“.

463. საბრალდებო დასკვნა ჩაბარდება ბრალდებულებს სასამართლოში საქმის განხილვამდე ერთი დღე-ღამით ადრე.

464. საქმეები მოისმინება მხარეთა დაუსწრებლად.

465. განაჩენის საკასაციო გასაჩივრება, აგრეთვე შუამდგომლობის აღძვრა შეწყალების შესახებ არ დაიშვება.

466. განაჩენი უმაღლესი სასჯელის შესახებ მოიყვანება სისრულეში დაუყოვნებლივ განაჩენის გამოტანისთანავე.“

2. სისხლის სამართლის საქმეთა წინასწარი გამოძიების წარმოების დროებითი წესების მე-7 მუხლის მე-2 ნაწილი (საქ. სსრ კან. კრ. 1934 წ. № 35, მუხ. 272) მიღებულ იქნას შემდეგი რედაქციით:

„ტერორისტული ორგანიზაციებისა და საბჭოთა ხელისუფლების მუშაკთა წინააღმდეგ ტერორისტული აქტების საქმეთა წინასწარი გამოძიების ვადა განისაზღვრება საქართველოს სსრ სისხლის სამართლის საპროცესო კოდექსის 462 მუხლით“.

3. გაუქმებულ იქნას სრულიად საქართველოს ცენტრალური აღმასრულებელი კომიტეტისა და საქართველოს სსრ სახალხო კომისართა საბჭოს 1934 წლის 22 დეკემბრის დადგენილება. „ტერორისტული ორგანიზაციებისა და საბჭოთა ხელისუფლების მომუშავეთა წინააღმდეგ მიმართულ ტერორისტულ აქტების საქმეთა გამოკვლევისა და განხილვის წესში ცვლილებათა შეტანის შესახებ“ (საქ. სსრ კან. კრ. 1934 წ. № 35. მუხ. 272).

სრ. საქ. ც. ა. კ.-ის თავმჯდომარე ფ. მახარაძე.

საქ. სსრ ს. კ. ს.-ის თავმჯდომარე ვ. ბაქრაძე.

სრ. საქ. ც. ა. კ.-ის მდივნის მ. ა. ვ. ბუჯიაშვილი.

1937 წ. ნოემბრის 26. № 234/1382.

თბილისი.

ფახი 25 კაპ.

გამომცემელი საქ. ხსრ ს. კ. ხ-ობ 1937 წ. № 37. პ/მ. რედაქტორი ი. შალაგია
საქმ. მმართველობა

ქალაქის ფორმატი 62×94 სმ; 1/4 ბეჭდვ. ფურც.; 1 ბეჭდვ. ფურც. 48.500 სტამბ. ნიშანი გადაეცა სტამბას 13/XI; ხელმოწერილია დასაბეჭდად 28/XII. ტირაჟი 2.000.

მოთვლ. რწმ. № ა-637 საქ. სახ. კომ. საბჭოს საქმ. მმართ. სტამბა, თბილისი. № დაკვ. 1537